

新刊國朝二百家名賢文粹

新刊 國朝二百家名賢文粹卷第四十八

策

制科策四

御試制策一道

淇水先生

皇帝若曰自昔欲治之主曷嘗不進圖賢材以共論天下之務哉終之名發事施以傳休于先窮朕甚慕之近代設策士之科而失取人之實所問或非要而所言未必有所合至使遷忠憤之極論角靡曼之虛文情鬱事遯上下相失曾何大道之補焉朕享國之日淺永惟任大而守重欲聞讜直之言以鑒不渾而未始去獲子大夫襲然應書其考於古而不迺質諸當公而易行爲朕竭思而茂明之夫天人之際災祥各緣類而至也故至治之時必有休將發爲星辰雨露草木鳥蟲之祥呈極之不建乃六沴並作害于而民君人者儻不思復天變則遂至詩謬而不可扶持此皆前世已然之效也朕即位以來非有歌鍾狗馬

之娛與夫外家女寵爵位賞賜之過也迺三月己巳大風晝冥
四月丁未日氣起西方七月丁丑太白晝經天八月庚寅大雨
霖霖師半年之間匪異四發豈朕不共不忱不決不達之致與
是以夙夜顧省敷運之廢寧也矧今吏治之未醇民風之未厚
官溢而濫入之源未塞兵衆而選用之法未精工作淫巧於都
中豪右僭侈於公上田野雖加闢而農有寒飢之患關市雖弛
禁而商斤貴貨之通豈不欲人蹈名節而廉耻常不立豈不欲
人遠刑罰而武冒常不止將以六正八疵察迹夫忠邪之端則
悼不能以情見以七教三化陶乎善惡之類則善不能以家
撫來遠臨人節礼帛為異同之論生利事神保民豈无後先之
指設歛于鄉以歲行之使知有恭老悌長之節古獨以為宜乎
歛穀于社以時發之使知拯貧恤荒之政今獨以為難乎宋農
一言而勝共皆朕下罪已之詔甚祗懼也而未有轉禍之感漢
宣終出以改名實朕發責吏之書甚丁寧也而未有飭職之慤

昔仲舒之推次異專治春秋之學劉蕡之對闕失深陳杜稷之計遠鑒百王與壞之所繇近摹四聖功業之所就何行而適世變何修而當天心予大夫其思致祥採粹起治之術熟之復之毋枉執事以稱朕詳延之意焉

臣對曰承學愚臣生於太平之日而游息於天地和氣之內與草木同其榮與麋鹿共其樂數十年矣常以謂不見兵盜流亡之灾雖老於農耕比之危朝乱邦之巨其猶万万于彼而無所憾況今彈冠曳綬歎乎交戟之下親見聖主得以尽其所學而言當出之事人目之幸夫何以過于此聖策曰自昔欲治之主曷嘗不進圖材賢以共論天下之務終之名發事施以傳休于無窮朕其慕之此陛下虛已以來下情之至也臣聞士無貴賤道是則合人無遠近志通則應昔第五倫爲長安市嘗讀詔書嘆曰此聖主也一見決矣及見光武酬對政道帝果深然其說臣雖不肖亦嘗默觀時事而商略陛下之志矣陛下繼統承

政恭儉之德中大禹之法而憂勤庶事有虞舜周文之心杜女
謁和閭寺厚親族斂親臣下損元名之祿罷不急之用命信而
不妄罰嚴而必行群下莫不雋勇淬淋奮厲急情之氣而思以
忠信自結于上于此知陛下有志于爲治而臣亦竊喜今日之
可以言庶乎第五倫之遇于漢異世而同事矣然臣竊有所慮
者天下之大利害隱于无形言者或能言之而常患人之不能
見利害之小者可以見而言者常以爲屑屑耻之而不言言夫大
事言之而不能見小事耻之而不言則天下之事先時而舉矣臣
則不然大不敢隱小不敢弃而聽明主之所自擇陛下幸聽之
則庶幾有益于毫毛而天下之利也聖策曰近代設策士之科
而失取人之實所問或非要而所言未必有所合至使選忠憤
之極論角靡曼之虛文情鬱事遯上下相失曾何大道之補
焉欲聞讜言以整不逮臣聞百官各有職小不得以語大右不
得以治左惟宰相偏得治天下之事而諫官御史徧得言天下

之事下此則有六科六科之人一介賤士也而獨得論治亂之
大計天子之所宜聞宰相之所當治御史諫官之所當言無所不
可言者大臣以格薦之陛下以禮而臨試之其可謂不輕而重
矣然臣竊有所怪者自設科以來卒未聞朝廷得一言行一事
豈朝廷之虛設科選以收可用之才而不繫乎言之可行與否
耶將言者務爲浮語虛論徒以譎世高俗不切于實邪朝廷虛
設其選則言言幾爲狂瞽而妄爲來於是科者爲無所益于國
而專爲進取之計凡此者臣之所深耻也今陛下旣招來下臣
而親屈大問矣使臣言有可行陛下舉而行之苟有以少補于
世而迹不辱于天下則刀鋸不足以爲臣憂祿賞不足以爲臣
利而臣之私願畢矣臣安敢不考古質今而爲陛下詳言之哉
聖策曰天人之際災祥各緣類而至也故至治之時必有休符
發爲辰星雨露草木鳥虫之祥皇極之不建乃六沴並作害于
而民即位以來非有歌鍾狗馬之娛與夫外家女寵爵位賞賜

之過也。酉二月乙巳大風。晝冥四月丁未白氣起西方。七月丁丑太白晝經天。八月庚寅大雨。雷京師半年之間。鉅異四發。而陛下又退託于天。共不悅不達。臣見陛下畏天。省己之道。有過于前古之君也。臣亦嘗究天文。洪範五行六沴之學矣。蓋大經皆記異而不書其說。聖人以為足以下戒時君之急。而上不敢以己意期天事如此而已。後世學者往往指事推迹以言災異。而終不免于牽合此其近于巫史之術。聖人之所不取也。今陛下取鉅異四列以訪臣。臣豈敢為牽合之說。而苟塞聖問耶。學者以大風晝冥則不過曰號令暴急。以白氣太白則不過曰當有蠻夷之兵。以大雨為害則不過曰簡宗廟不禱祠。臣之言之則異乎此。天地之大。譬之于人人之所以為四支之彊者。其本在下而為腹。心肺膈其本在上而為五官。其氣有所經緯。而其神有所舍止。神有所散則氣有繆戾矣。腹心肺膈之間有所攻塞則五官有所不寧矣。夫醫者原脉察色而知其疾之所

自來耳之病則知其出于腎目之病則知其出于肝此皆上下之相牽而變動事理之必然而不足怪者也然則五官之不寧其原亦在乎腹心肺腑而已矣天地亦何以異於是乎日月星辰天地之五官也民人生聚天下之心腹肺腑也雲雨其氣也變化其神也今之風真而氣異星變而雨霽是豈他哉亦民人生聚之間有所疾痛不樂已是改善治五官之疾者不治五官而治腹心肺腑善止天地之異者不止天地之異而止民人疾痛不樂自古聖君賢臣見天地之異則相與咨嗟戒懼故商高宗曹雒維之異而祖己戒之曰杞無豐于昵唐太宗逢彗星之妖虞世南諫之而悟曰我不可以輕天下之士今陛下統政之始直有星辰雨露草木鳥虫之祥以爲明聖之表而各驗衆至比上天爰陛下而以必戒陛下也陛下損廉徹樂下責已之詔求敝政諫直言是以應天順人之一端矣若夫聚緇黃無名之學而爲厭勝擅權之事此何所益于承天受民者哉陛下復策

曰吏治之未醇民風之未厚陛下可謂深講當世之敝矣陛下
無惑乎吏治之未醇民風之未厚也其原蓋自乎朝廷而已今
朝廷喜於增官置局而不能責賢能多爲條令而不行賞罰
鄙弃實用而崇尚虛名寒士無塗而閥閱易進有爲者多重
因循者復安朋黨相推而孤立之士沉退文吏與武吏相嫉而
不同心官不恤民之私民不趨官之事而上下異志朝廷務於
蔽塞任子而不知黜陟之本源士大夫樂於進趨而不能安廉
恥進退之分儒臣不過循守令式以避過疆臣不過顧顧賈直
以爲名瘠民而肥吏貧農而富將手茲十數者未之去吏治安
得而醇民風安得而厚哉陛下執講而亟變之則吏治醇而民
風厚矣聖策曰官益而濫入之源未塞兵戾而選用之法未精
此二者固所當留意而先治也臣請爲陛下言濫入可止之術
分文武之吏升冕而治人者豈恃士人之多邪有黜陟有爵貶
有黜僕有胥史有監技之親戚有官者之旁友附贅有紂紂

祿之子孫士大夫其雜亂如此朝廷因仍而弗汰則患其溢汰之則慮其囂而怨是仕籍終不可得而清也仕籍未清則文武爲君罔召爲相不可以爲治故濫溢不可以不汰汰之者必有道在籍者勿復汰繼來之濫爲令以飭之黥徒胥吏醫技凡以雜色入流者寵之本品而足矣何得預仕籍貴臣以恩請者必冠而後可無以與雜祿之如富人入蜀會赦梁丰縣官授之假版使得以贖小罪與夫久勞于事者皆畀之以他賜無以名器授之非所宜得一切寢格而不下夫已源塞而塗隘矣然後登進天下賢者計民而置官太平之化可指掌而致也然而爲是者在陛下不可以委臣子何哉官賞者人主之柄人主爲之而天下莫不順唐一日罷糾封官三千無敢作言以起事議雖出于姚宋而明皇自爲之也張始均禍于魏而暨豔誅于吳王未爲之倡也臣請復爲陛下言兵衆選用之法臣聞兵在選而不選在衆祖宗之時兵不過數十萬而四夷奔走之不暇今天下數

至百餘萬財力耗弊而威不行然則苟不能選用雖多兵適所以爲累而何貴百萬之衆哉會有卒于此力可以彌疆弩嬰冒而行日可以馳二百里其月祿爲錢千粟二斛又有卒于此疲冗而朴甚下其月祿亦爲錢千粟二斛則強勇之卒必有不樂于必矣見敵格鬪鼓旗相當劍楯相薄亢平先奔而潰則勇者不能不牽而動故無事而居雜以精冗則消軍之志有事而用雜以精冗則爲敵之福中人十戶之賦歲不過十萬錢十戶之賦僅足以養一卒縣官養兵之衆不勝其敝矣尚何容疲冗于其間哉然而休之不可以速休速則怨老瘠無歸群持瓢囊行勾道路傷戰士心今不若休其老瘠厚其壯子弟壯子弟不失業而老瘠有所歸其數不足則擇取下卒之秀者兵不他募而可以足用用之而人人知戰事矣陛下若欲天下之兵舉可以用皆有殺敵致死之力而無不遜驕惰之氣則祖宗蒐兵責師之法載於國史陛下可以爲之也今何俟而弗舉耶陛下又以

工作居巧曩古僭侈之爲患夫僭侈者衆則淫巧者多矣其失則自乎禮制之不明先王之爲禮制所以定豐約限貴賤也故使宮室有量車服有節器用有等人徒有數君子得以異於小人之群小人雖有其財而不敢居君子之車服君子之服用君子之器則淫巧可禁而僭侈可止也今之天下禮制旣不明而法令亦不甚可畏君子小人儕並而有隨三公之服與兵吏同色里民之室屋與官寺爭華富人之妾被珠玉而僮走曳然執百工爭爲新伎奇器以應之始於中都徧於天下富人苟財之所及則足其欲而惟力是視小人桀驁視君子亡如也君子見輕則雖爲蕉約不足以率下此爲亂之始也臣願爲禮制以示天下而嚴爲之法令以別君子小人上下之分立而爭者知止則僭巧僭侈庶幾乎息矣聖策曰田野雖加闢而農有寒飢之患關市雖弛禁而商無賈貨之通陛下之問下及於農商此陛下欲爲仁政而深論天下之敝也臣請先言農之敝今之天下

爲本者常不足而爲末者常有餘。平民貴而農民賤，家于田畝者不若居市里以末耜爲業者。不若操貨財，平民自以爲材智之富，然而財力勤苦之民，盼盼焉不足於衣食，而常有賦徭之憂。寒飢之患，比者陳鄧許亳，嘗飢乏農人之死者，不可勝計。而他業之民，富厚倍夷，无異乎平日有司不能秣朝廷爲轉米糧以爲之食事。已則宴然而弗議，是豈強國均民之道哉！今天下之用郡縣百索，莫不出于農家。賦行褐桑，歛綿絮上取米麥而下取藁，卒治堤塹夷道，途河川之徒，扛亭傳之茨，墜凡時之輸暴集之役，其勞苦無時得息。此所以田野雖闢而農人不免於寒飢也。臣願陛下爲令以寬農人，雜征苛取，使出之于他業之民，而無專于農以寬生民之力，而享其本則可以解轉徙寒飢之人矣。農之敝如此，而臣復請言商之敝。臣聞四民各有業而無不得其所，此三代之法也。是故吏而不農，農則有役仕而不商，商則有征。今吏而兼農，商者大半於天下，農則不得而役。

商則不得而征民所欲爲而吏以其疆力徧爲之矣民安能不
軟之哉欲農之寒飢之寡則莫若使吏而農者先得免郡縣之
役欲商之資貨之通則莫若使仕而商者先得略關市之征謹
司察之而深置之法甚者還之農者而無以爲吏則吏民不相
恩而商可以少通矣聖策曰豈不欲人蹈名節而廉恥常不立
豈不欲人遠刑罰而抵冒常不止臣以謂廉恥之不立此用人
失實之過也刑罰之不止此守令非其人之罪也陛下知人之
所以不安其分而有覬覦觖望之心乎一卒無功而爲將則一
軍皆驚焉曰我何謂不至于此一士無能而得美官則衆人皆有
所望曰我之不獲也何哉人知爲善無効則猖狂肆行於廉恥
之外而不力於名節之路矣今陛下之用人陛下以爲可用而
天下或以爲不稱陛下以爲人冀之及而天下或以爲無能士
人不務爲忠力以下主上之知而情有所下交恩有所主出此
愚臣素所痛嫉而深憤者也昔我太宗嘗擢張詠于常叅之列

其績効終如何哉臣以謂陛下宜自擢其人于常參下士之列
其爲守俸而還者皆召問之不惟可以傳訪四方之動靜疾苦
觀視其人之材智如何而爲之用言之可採者疏其名于屏壁
詳擇而以職事試之此愈于群臣之所薦者遠矣夫既用人如
此則又參之以薦舉名譽無聞乎也曹科級而復考之以實曰
某爲是職嘗辦是事矣某言是事嘗有是効矣某典是文樂是
士嘗有是功矣則雖用之而天下不敢有覬覦觖望之心也厲
名節長廉耻孰大于茲乎世之論治者莫不欲入速刑罰而多
患抵冒之不止則遂欲變更律令以爲措刑將在于此夫刑措
在人而不在法法者天下之大紀也可以一賢愚齊強弱而不
足以盡天下之變臯陶之法臯陶能舉之商鞅之法商鞅能舉
之人不任事則法在而不舉而又將爲巧吏奸民之資借吏以
爲已威借法以爲已用而刑不勝蕃矣往者仁宗頒新法以示
天下苛者施而爲寬疑者決而爲明缺者補而爲完職者督知

其詳當二可從也行之以及于今而小人猶不能遠刑罰是誠
何和守令不足以安民也陛下欲人之遠刑罰則莫若慎擇賢
以爲守令使之爲政化以齊郡縣之俗守令賢則小人雖欲爲
罪皆自屏匿而不敢輒發陛下得一賢守而一郡之刑措得一
賢令而一邑之刑措守令皆得其人則天下之刑措矣臣故曰
刑罰之不止此守令非其人之罪也聖策曰將以六正八疵察
迹夫忠邪之端則惇不能以情見以七教三法化陶乎善惡之
類則患不能以家撫陛下既策臣以當世之務矣又欲取古人
之教而究觀天下之情僞使忠邪不得而逃也故舉六正八疵
以爲之目抑陛下可謂仁聖察言好問之主矣夫察言好問固
聖主之事然而訪諸正人則正言進訪諸邪人則邪言進明足
以了邪正之辨則察之問之而益廣明不足以別邪正則察之
問之而益疑今陛下假寬容煦和之色以盡臣下一見于前者
人人自謂可中上旨真爲難進是非相紛此正陛下用明之時

也陛下欲知忠邪之異乎進而合于忠孝退而合于仁義言有益于聖主而利可以兼被於天下斯則忠已進不爲忠孝退不爲仁義言無所益乎國而利無所加于民斯則邪已陛下用此而忠邪判然皆不得而混矣而何取于六正八疵之辯莊周之語乎若夫戴禮王制以父子兄弟夫婦君臣長幼朋友賓客命之曰七教以興民德周官以三刺一曰計群臣二曰計群吏三曰計萬民三宥一曰不識二曰過失三曰遺忘三赦一曰幼弱二曰耄三曰蠢愚總之曰三法以求民情斷民中而施上服下服之罪此皆二經之至要陛下果得良吏而任之使之明教慎刑而陶善惡之類則何至于家撫而有治道之不興乎聖策之曰來遠臨人節禮曷爲異同之論生利事神保民豈無後先之指者夫孔子之所以問同而答異者皆視問者之所病而爲之箴切諷厲故一問之以爲政而孔子答之以政在來遠政在臨民政在節禮也丘明爲外傳載當展諫王之辭以其然也

而伐鄭我之以內利三德故曰義所以生利祥所以事神仁所以保民上陛下又策臣曰設飲于鄉以歲行之使知有恭老悌長之節古獨以爲宜乎歛穀于社以時發之使知有挾貧恤荒之政今獨以爲難乎陛下舉一者而資之于臣此聖明之意也天下之薄俗無恭老悌長之節而欲復鄉飲思朝廷之遺缺未有挾貧恤荒之政而欲復社倉也古者以井田治畿甸邦國之民民有餘力暇日不迫於兵戎賦役之事田夫賓賢祭蜡之時而從事于禮爲之坐立之位俎豆之數降升上下之文以采飾之而民莫不知節今衆爲裕民之術而欲先復鄉黨飲酒之禮是將無益于天下臣以謂獨宜于古矣社倉之作其始也本以備凶饑之虞及其末也或取而爲兵費是以起于古而不行于今今復之則見於常賦之外復有加焉而臣恐有司之不能守掠取以入縣官其名爲恤民而其實爲加賦臣以謂難于今日聖策曰宋景一言而勝妖書陛下罪已之詔甚祗懼也而未有

轉禍之感者臣聞天感于誠而不以厚文爲感宋景之言其始
非有意于感上天而其心本不主於退火而取壽也發于懇款
形于悃悃而深格于神之聽已欲後已而先臣民而天爲之祐
矣臣有所區區者輒因陛下求轉禍之美策而不敢不致忠示
於陛下伏以仁宗皇帝納民于富壽之中者四十二年挈國重
而授之明聖知陛下可以勝万世之託也陛下至德如堯舜有
爲如文武然後可以副先帝之意而滿天下望然三年于茲尚
未有興利除害可以甚慰人心者豈可謙挹而未遑耶豈陰翫
天下之事欲徧悉其情僞可爲不疑而後爲之邪賈誼曰日中
必斃操刀必割言爲治不可以後也陛下殫精留神于万事之
際日夜思所以慰人之望則安享福祿而比日月天地之元精
彼宋景之事曷足爲至聖之慕邪聖策曰漢宣終世以核名實
朕發責吏之書甚丁寧也而未有飭職之應者陛下欲爲漢宣
之政可謂得抃激之道矣陛下知漢宣之所以不失名實者乎

此在乎賞罰行而已矣今天下之事因循而皆敝其本則蓋自
乎賞罰不分夫財用之不足漕輓之不通河防之不固兵律之
不嚴獄訟寇盜之不止馬政之不卒此天下之所共知陛下之
所以爲憂而群臣多士積歲深論而不決者也臣以一言該之
而數者行以自治何也陛下患財用之不足漕輓之不通則宜
責計臣患河防之不固則宜責水官患兵律之不嚴則宜責將
帥患獄訟寇盜之不止則宜責刺史守惠馬政之不卒則宜責牧
職皆任之以久而觀其効歲久而其敝猶是也則深案而謹誅
之取其職以畀能者夫賞罰既明則无實之人雖與之煩權劇
使有睥睨而不敢者矣此漢宣之爲也今陛下当輔相之臣不
務明賞罰以勸督群下而歷取天下之事以自任勤勞而不能
周耗乱而不能整平日列群司賜厚祿一有四方之事則紛紛
紛紛冠蓋交道而居其職者以謂事理之常然而已无負于職
亦足怪已陛下行賞罰以核名實則漢宣之治何異于古乎聖

策曰昔仲舒之推災異專治春秋之學劉蕡之對闕失深陳社
稷之計遠監百王興壞之所由近摹四聖功業之所就何行而
隨世變何脩而當天心者此陛下拳拳于治而遠思董仲舒劉
蕡至切之對欲以天人之幸過望于愚臣也仲舒治公羊春秋
好言災異而亦自用閉陰縱陽之行以治其國其言報應相
之際大略則具之于策其詳則載之于繁露之誌矣劉蕡以官
者之擅權藩鎮之竊命指陳時病雖有司不敢以入第而天下
正人傳讀其文至有相對泣下者如臣之愚安敢望二子之域
哉然陛下之所訪者臣已粗道于前矣臣嘗歷選百王興壞之
迹三皇而五帝五帝而三代三代而東西京東西京而魏吳蜀
魏吳蜀而西晉東晉東晉而後魏後魏而東西魏東西魏而宋
齊梁陳後周一之于隋而為唐一之于唐而又為朱梁為後唐
為石晉為劉漢為周室然後至于聖宋自餘國而下其微而猶
一燭火之明也奚足論哉若夫三皇五帝之世雖其極治亦未

足以遠過于聖宋者。臣觀今之治明聖五世康樂。百年豈不足
季仲視周漢而滅僕。命晉魏邪。臣聞十一月之水霰。小人皆知
其寒也。而陽以之生。五月之日。小人皆知其暑也。而陰以之始。
治亂之變。猶寒暑者也。寒暑之期。三月而改。治亂之勢。百年而遷。
善歲之家。知寒暑之必至。是以在暑成裘。在寒成絺。其所以慮
患之道。先是以終身。無寒暑之患。為天下者。治而不可不憂。亂
變而不可不憂。危而亂。亂而後憂之。則雖有舜禹之材。亦無所指。
其智已方今之世。其久安而無所事。乃至于此。此常人皆以謂
無足憂。而智者之所慮也。天下之福。掛於昭昭。而天下之敝。藏
于默默。豈無慘目邪。黨欲淪亂。天子之視聽。秉間而圖。權豈無
夷狄之國。欲連兵而為盜。豈無夷桀之民。伺民之不給。欲為亡
命奮臂之倡。有一于此。臣竊為陛下憂之。若夫持治安之勢。預
為之備。以銷天下之憂。則四聖之功業。卓然見于天下。皆可以
為後世法。惟陛下下撫諸史。咨之于故老之口。取其要者。力為

之而已矣又何患世變之邪適天心之弗當乎陛下求銷異致祥揆激起治之術臣願以纂治四聖爲對臣聞功莫大于天地明莫並於日月天地之功或有所不及而冀壤補其用日月之明或有所不照而燈燭揚其光以臣之淺陋何以上副陛下待之問之之意乎雖然或有益于朝廷之缺而陛下納臣之言貴在愚之罪則臣不勝死生之幸也謹對

擬試制策一道

王校理

問蓋聞至治之世教化明而風俗美士之與者皆薰於自治而仕者皆能稱其官當是之時百度脩而萬事理故上下富足百姓和樂而臻於仁壽施及鳥獸草木皆遂其性至於蠻夷狄戎莫不欣欣附焉其所繇者何術而至於斯歟今士寡廉耻而希合苟且之俗盛至於喪其弊而百職未脩上下之財不贖於用元元賈急而輕於抵罪鳥獸草木未盡遂其性蠶夷戎狄至蜀於禦備之策焉其不能方古者何謂歟夫

事其末而欲及其本與泥其迹而求合其變皆不可也然則
倣於古而不迂近於今而不卑必有其道可得而言焉昔者
孔子語爲邦曰棄商之輅服周之冕樂則曰韶舞今考其事
尚可復於當世歟如不可復則興今之禮樂者將何說歟子
大夫其垂陳焉

對詩曰古之人無斁譽焉斯士盛哉周之所以興也夫上不能
以無斁之心成天下之才而才有可用者往往堙淪於閭巷雖
豪傑不夸於譽而有待於後世然內之爲宗廟社稷無窮之傳
外之制疆場變夷不測之變非盡得其人而與之謀則孰能致
治哉嗟乎百世之後盛德復見於今日明詔待臣以策草茆之
賤方聖賢相際萬世之一時經綸之體已熟論而深思顧寡見
陋聞之人何足以將明之然而學者所以爲己不知致君愛民
之方則未足盡爲己之道此昔人之所以惴然投畎畝之耕而
願其君爲堯舜之意也敢不黽勉以承下風策曰至治之世何

術以至於斯而今則未然請條其故夫所謂教化明而風俗美
志士之處者篤於自治而仕者稱其官蓋上能致其知以燭天
下之理喜堯忿懼無以拂其正推惻怛之心而形於施爲之際
始乎閭閻社席之中相與篤好於善善所以自治者盡矣然後
取群聖人所以遺後世之法度考天下之材如操權衡而不掉
於輕重之私君臣之德協而所以爲治之體則又要而不煩以
四海九州之民俯仰以聽朝廷之警言咳好惡足以爲其勸禁然
內劫於飢寒之欲彼唯驚死不給尚何勸禁之能加哉於是爲
開其衣食之具人受之田而不踰於百畝四民之勞農最其甚
不能誑害於前致利於後則彼孰肯戮力以趣耕織哉故什而
稅一旱乾水溢籩廩之賜必先於農祭祀喪紀又與之賒貸天
子之於桑盛王后之於桑服率之以身而不耕者有里布屋粟
之出罷士無任罷女無家工商以用物售而苛嚴焉自不廉
行於天下設有作者又隨之以戮辱天地之財出於人無窮而

賢於人有節弱不詘於強貧不奪於富衣帛食肉者以其時而
父母之養妻子之畜人畢得其欲而黨庠遂序國子之制出乎
其中教之以六德六行六藝糾之以八刑防之以五刑六樂自
天子視孝而王世子入必以齒民聽觀於耳目之餘而盡有以
入於腹心之久銷忿鬪之欲而自然行脩於象又况族師書其
孝弟而為之勸乎意言異行無門以入而方有一出則上所以
俟之道已足而屏棄之法行焉於是賢能之興可以因一時
之民而無有罔上者不唯陶冶之俗人不為欺而設法之意有
其序也夫行之見於衆則察於族師至於德藝之實非朝廷之
人不足以知之鄉大夫為之察焉士之孝也內極於妙萬物之
神而外之於行身未嘗不同於人其未命也獻焉曰饒主拜以
受賢能之書蓋養士之節至於不詘以謂夫上所以求下者為
其能左右吾治而已豈係夫勢之可以致人哉一日仕于朝廷
則利不足以動心而義至於得已上揆天下以道類其材而為

之使平水土者必以爲司空播百穀者必以爲后稷於是入畜
有爲之心而上又濟之以惓惓不懈之意卒濯磨礪以新其器
雖一時之又有不待勸禁以宿功然而以天下方世爲之法度
於是繼之以九載考績之政幽明無以度其實而加之以黜陟
民卒心服而賞罰始足以爲其勸禁也孟子曰天下心服而王
者此之謂也此其所以士之處者篤於自治而仕者能稱其官
也策曰當是之時百度脩而萬事理故上下富足百姓和樂而
臻於仁壽施及鳥獸草木皆遂其性至於蠻夷附焉所謂百度
脩而萬事理者蓋盡得其人而爲之用君臣推躬行之實於困
任原省之際受田以耕財生於人而用不浮於財族墳墓黜朋
友出入相友守望相助行役以時而無征伐役役之勤倉廩有
蓄而無飢饉流亡之患養生喪死皆盡其理此所以百姓和樂
而臻於仁壽也下至於鳥獸草木之微畢爲之網紀不麇不殍
不剝胎不覆巢獵祭魚然後漁人入澤梁射祭獸然後田獵斧斤

以時入山林以聖人之心仁民而愛物不忍深摘血氣之類然
而皮革棟宇必資於鳥獸草木殺之不以時費之不以餘則物
屈而不能贍人之用此聖人所以仁於愛天下之物而智於養
天下之財故鴛鴦之詩稱明王交萬物有道而魚鼈表其能備
禮也書曰惇德允元而難任人蠶更率服夫德脩於內者未嘗
詘於外也雖然德脩而無其政則亦不定以持以爲夫夷狄之
勦而俗嗜騎射之事然中國什伍其民而天下之農盡爲之兵
族有正黨有師而天下之吏盡爲之將目男子之仕舉弧矢於
門而示其必有事於四方會同宴飲未嘗無射而又教之爲序
序之藝士之舉此行同能耦則又以射別之俗之所薰入自致
好又況利誘其後而實足以捍患於身以夷狄之長而當中國
之備不待教而勝負之勢已定矣雖然猶以爲未也疆場之守
盡擇其人而教之漸磨士能死制接之以愷悌之誠而聘之以
忠信之使自非鳥獸之不可馴則孰敢無名以震中國而自抵

覆巢拔樹之既哉此先王所由之術也自先王之澤竭而秦盡
黜其為治之迹所以後之有天下者患先王之道難行而書之
所存者蓋其略也漂漂以逐波瀾之餘而不窮其源此所以遺
意管涔於傳注之說竊嘗以謂因其迹而求之以理夫何遠哉
然而有其德無其勢欲為而不能逮其效孟子所以謂文王百
里之起為難也自唐陳其業而海內壤裂疆分凡五十載而正
朔貽二於宋蓋元元厭難愁歎假息日月而天誘太祖太宗之
神武洗沐九州以傳四聖帖然百年之中而四聖求理之意無
一日之懈以夫文武之憂勤遺太平於子孫世才幾傳而康王
已有晏朝之刺由是而知今日之隆可謂軼於前世矣宜乎頌
功神明以示無極而策曰士寡廉耻而希合苟且之俗盛至於
舉選甚弊而百職未脩上下之財不贍於用元元厲急而輕於
抵罪鳥獸草木未遂其性蠻夷戎狄至勤於禦備之策其不能
方古者何歟此誠至慮者之所宜認認以憂也竊以謂古之欲

有為者必於其始視其時之何如救之常以何術慮孰於已謀孰於人然後出号令行政事所以治有体而功有誠如夏商周之忠質文迭相為救也其下至於齊桓之用管夷吾秦孝公之用商鞅尤且反復咨諏不疑於心然後措之於事故隨其体之淺深而見效也竊敢妄議今朝廷之所尚者何也陶冶之俗耳出朝廷而今則不然也庠序雖設而家自有師以口耳誦聽章句文辭之能來應有司而未嘗核其行義雖有保任之狀一切文具而已高爵隆名畢取於此雖卓犖之賢固不乏於用而饒倖以得者多矣令一有之尚足以起妄進之心况其多乎此所以寡廉耻而希合苟且之俗盛也自茂才進士試之以策論結余猶及古今之治乱然已不足以得士矣况明法之類乎不唯无補而又有害也所謂百職之不脩者蓋始所以得仕之時自郎廟以至管庫未嘗試其為政之能已仕而使之以一人之材而盡闕百職之治蓋舜之命九官而選不可代伯夷之典孔

既以夫陶冶所及之人而必欲賢於九官乎雖有考績之文自
非罪入於吏議者四歲一遷其官未嘗核其實也然則孰不養
交受祿以幸遷乎管子曰使人於不爭之官各長其所長也揚
子曰真不真偽不偽則政不核死乃反於是斯所謂上下之財
不難於用元元匱急而輕於抵罪者竊以為今之於生財師失
其本而理財之方又未盡也夫天下之衣食賦役畢出於農朝
廷所以閱農之意甚篤而加吏以勸農之名雖然不設法使吏
有以守而徒加之以名未見其得也蓋變俗之榮辱必自朝廷
能使人榮於力本而以蕪井為辱財賄於用今豪宗大姓歸附
陌以售田而操耒耜穡禾之氓黷樂歲不厭於糠粃是果能操
榮辱之實乎吏非詔令之督責而視田之可興者不以縹心奔
九穀之利於墟莽而遁千里之灌於污潴憚湏吏之勞而遺萬
世之利者多矣此其失生財之本也室廬墾闢嫁娶葬送不嚴
其等殺而閭巷之黔首侈於王公工商无奇伎淫巧之禁而用

物常詘於異物朝廷雖丁寧欲以儉率海內而有司裁費者又不臻其要蓋聞先王有不忍人之心斯有不忍人之政以儉救奢此盛德之卒也宜擇群臣熟講裁費之實而法自禁中斷之以必則俗可易也昔賈誼謂文帝絳袍革舄而富人屋牆被文繡范宏之論晉武帝焚雉頭之裘而天下奢侈逾甚雖有良心而法制不立也上下之財不贍於用元元匱急輒於抵罪者不出於是乎所謂鳥獸草木未遂其性蚩夷戎狄至於勤禦備之策者蓋先王之法度既詘而人且有失其性者又況其下乎雖然以百年之承平生息蕃衍所以用於人之物宜有以愛養之今徒禁其一時之暴殄而禁未必行至於長林荒翳千尋之才大蔽牛馬伐不以時而僅餘於槎枿嗟夫數牧養蕃鳥獸虞衡作山澤之材此先王之政而今皆无其官使平民擅數牧山澤而有伊儔之利豈均无貧之意故至於所謂蚩夷戎狄之勤禦備者其漸以此也而今之為中國患者特西北二虜而已指數

十萬之賂以啗其死厭之求尤敢崛強以嫚文告切以為彼敢
為此乃天所以激吾中國求理之意傳曰請釋楚以為外懼者
是也苟朝廷警戒以新其治使至於聖人內外无患豈不臧哉
策曰放於古而不迂近於今而不卑切以為孟子曰為政不因
先王之道者可謂智乎蓋因其道者非謂迹也以堯舜之道一
也而時之相去近也舜因巡守改脩其五礼迹有先後之異不
害其為稽古也若夫井田不可以一朝復力本以生財而租庸
之法庶乎其可也置學校以教士革革選以求材因能使人而
考功罪以實上示之以好惡而變其希世苟且之俗為之以漸
而勸禁有其效率其下安謹守而力行之則先王之道有不尽
復乎雖然在乎一其心而已矣故伊尹曰一哉王心者此也孔
子語為邦曰乘商之輅服周之冕樂則韶舞蓋先王之道有本
末治人行已至於礼樂極矣舜之任官伯夷以樂教胥子而生
伯翳治鳥獸草木之後以仲尼七十子之間而唯顏子以

樂雖然當周之文散思救之以質於是喟然歎曰吾用之則從
先進曰從我於陳蔡者皆莫及明而於此唯許顓子以礼樂也
然行其意謹其數本末不可以相舍也各因其時而已矣孔子
曰樂去樂去鍾鼓去乎哉禮去禮去玉帛去乎哉而楊子曰玉
帛不分鍾鼓不去吾無以見聖人矣此其意也然則以今日言
之能盡治人之實如虞舜之時則商輅周冕韶舞之議也固有
待焉僕陋不足以稱下明

新刊 國朝二百家名賢文粹卷第四十九

策

制科策五

御試制策一道

淨德先生

皇帝若曰在昔明王之治天下仁風翔洽德澤汪濊四序調於
上萬物和於下兵革不試刑辟弗用內則俊賢居官以熙於三
職外則夷狄向風以修於歲貢建皇極以承天心歛時福以錫
民庶然後日星雨露萬獸草木効祥薦祉書之不絕朕甚慕
之其何術以臻此欽朕承祖宗之業託士民之上明有所未燭
化有所未亨而任大守重艱于負荷故詳延魁壘之士思聞謚
直之言以輔不逮庶幾乎治蓋人君即位必求端于天而正諸
已惟五事得其常則庶證協其應朕享國以來靡敢自肆而和
氣猶鬱大異數見迺元年日食三朝洎仲秋地震數路而異方
之廣為災最甚豈朕弗德之致歟夙寤晨興思其所以是故圖

講政務則日至中是而猶多苟簡之習丞進人才則宜無虛假而頗乏績用之美種莠非不懷徠也而邊候或時繹騷以至臨境輔臣恪明神武烝民非不愛養也而生氣或未完富以至分馳使者宣布惠教因用錙節而尚煩於調度兵籍雖衆而未精於簡稽寬閑弊之禁而商靡通指器玩之巧而工弗戒夫風俗厚薄根於取士之無本道教之不明而博詢臺閣之論所執者不一豈無救弊之道乎刑罰煩重出於設法之多門公糞之不善而將加恩仁之政使死者少緩必有可行之術焉子欲興乎七教兼乎三至以底聖人之道則宜條其先後之次子欲明乎六親盡乎五法以極天下之治則宜叙其本末之要乃至仲舒之言班固謂切於當世其可施於今者何策崔寔之論范曄謂切於政体其有益於時者何事冉以諸古人陳迹既久而不可舉冉以謂本朝成法已定而不可改惟其改之而適中幸之而得宜不迫不迂歸於至當書曰言之非艱行之惟艱子大夫其悉

心以陳朕亦不憚於有爲焉

臣對曰臣聞大智者聖人之德而虞舜察邇邇言蓋萬事之統綱
省不遺而慮之深也中行者君子之能而仲尼與狂狷蓋匹夫
之志固守難奪而不可弃也此二者施諸君臣之際而要其歸
則上有求善無厭之美而下不失爲盡節不欺之士各崇所尚
義何虧焉今陛下席太平之基運獨化之術元臣良輔講磨原
本於內庶官羣吏奔走職業於外經制立而可以庇萬嗣號令
出而可以肅四方治定功成信有日矣然猶詔舉賢良方正之
士親策于庭退託不明延訪得失者豈非虛已好問不盡天下
之情歟臣愚不肖不足以備當今之下執事雖竭盡傾軋安能
補陛下萬分之一乎然不敢以荒略無取爲辭而逆探朝廷之
意願獻于前者蓋以爲賢良之義貴犯而不貴隱惡斯義之廢
自臣始也且人各有異能而所以取之者必主於一求將帥主
於勇求守令主於廉求法吏主於文而求賢良主於直捨是則

雖有異能而亦不取矣今將帥不言其勇而言其仁守令不言其廉而言其通法吏不言其文而言其樸則陛下取之勤臣雖不肖而所以進者賢良也敢不一於所主而求伸其志哉恭惟聖策有曰昔明王之治仁風翔治德澤汪濊四時調万物和兵革不試刑辟不用雋賢居位戎夷嚮風建皇極以承天敘時福以錫民日星雨露鳥獸草木効祥薦祉陛下其慕之而訪臣以致之之術者北陛下深思治体而究其所由欲於大利於四海也臣愚何足以知之然臣聞人事有本末物理有始終王道之施設固有先後端本所以治末慎始所以圖終施之宜先則不可後於一日乃治体之所起也昔春秋以五始明王法謂一為元者視大始而欲正本深探其本而所貴者始也然則人君之即位者天下之大本而王道之始乎兆民億姓延頸企踵而觀其撫養也則必以有以慰其望公卿輔佐致忠竭節而副其任使也則必有以結其心若乃夷然懷意隱慮而仰其懷徠也則必

有以悅其情古之賢三深知端本慎始之義而施設之具无先
於此蘊之而爲盛德發之而爲大政如日月之照臨雨露之潤
澤使人人聞之率皆聳動鼓舞以爲吾君之有某善則吾之生
也吾君之樂某事則吾將享其利焉是故散而爲仁風霈而爲
德澤幽可以調四序明可以和平物兵不試而威立刑弗用而
政成俊傑在位而百職卒羗夷款塞而九貢集大中之道建而
上順乎天五賻之福應而下休于民日星兩露鳥獸草木諸福
之物可致之祥莫不畢至而王道終矣書稱高宗之德曰作其
即位嘉靖萬邦至于小大无時或怨詩稱成王之嗣政則以小
恭慎徽恭之進戒爲先務豈非端本慎始之意乎及其明驗大
效之見於後則德業昭著教化深厚措世久安傳祚永久得不
盛哉今陛下承五聖之統講求治具而以任大守重爲之憂故
臣敢以端本慎始爲獻願陛下不惑理財之說以慰生民不聞
老成之諫以結公卿不興疆場之事以懷夷狄惟陛下深思而

切究之則堯舜之治可以積久而致何在昔明王之足慕故聖
策白人君即位必求端於天而正諸已惟五事得其常則庶證
協其應享國以來靡敢自肆而和氣尤鬱大異數見迺元年日
食三朝洎仲秋地震數路而輿方之廣爲災最甚者此陛下畏
天命而求所以順之也臣聞天人之際精祲有以相感洪範之
陳五事春秋之書災異皆其微也然世之說者有兩端焉一曰
彼穹然居上者何預於人事乎日月星辰之凌錯陰陽水旱之
愆亢皆大數使之然未必發於政事是天之與人離爲二而言
非嚴恭寅畏之道也一日災變之來率以類應某政之失則召
某祥某事之非則感某異蓋自兩漢諸儒若劉向董仲舒郎顗
襄楷之徒皆指時事一二以明之牽聯遷合務必其驗是不能
推明天人之六端以啓導世主而徒溺於機祥也臣以謂之不
不然夫天之降命於君而付以大器者必有扶持全安之心豈
躍告戒之意矣示以災沴諭以變怪者欲其飭躬而務德慎事

而圖寧也非先預於人事也非指其一二之失而致也天人之際如是而已陛下即位以來勵精庶政蠹魚草木卒彼煦養而改元之歲日食三朝者天心之愛陛下而告以始終之義也改元者陛下踰年頒政之始更新万事之時日者至明之物不可輒晦天意若曰陛下宜慎之於始輝光盛德而不可少虧也仲秋之後九州之地大半震動大至裂陷小亦覆壓京師亦震異方最甚者天心之祐陛下而不以安危之端也地者至靜之物常處其安者也一失其常動而不已天意若曰靜而失常則變動而失道則危願陛下居安而慮危也祖宗由河朔而起則異方如本封陛下以四海為家則京師如堂室震動之變形於斯者非獨外憂可虞抑亦內患可慮也夷狄之憂生於紆御之失術軍旅之憂生於威愛之偏任環衛之患生於防禁之疎略近習之患生於任使之過重此四者皆管有之非臣之私憂過計也至于虹貫日地生毛太白經天災惡失度此又警戒之跡也

教化有未備乎德澤有未至乎賦稅過重乎刑罰失濫乎干戈
可虞乎盜賊不戢乎大槩必有以感之故天意諄諄而不已也
易曰其亡其亡繫于苞桑言泰通之世深念其危則悔吝不生
矣詩曰肇允彼桃蟲拏飛惟鳥言汙政之初慎其小則禍敗不
至矣願陛下思天人之交窮詩易之戒則大異弭去而和氣感
召如影響焉嗚呼東曰圖講政務則日至中矣而尤多苟簡之
冒蒸進人材則官先虛假而頗乏績用之美者臣聞古之聖人
未嘗不勤文王之治日至中矣而不遑暇食然至于燕言燕獄
燕慎則罔攸兼之惟有司牧夫之是任蓋勞於求才逸於任賢
故也且帝王之道与天地參天地之化分任四時以生成万物
而不專於一草一木之長育蓋元氣統於上而万物無不遂者
矣帝王之道慎擇群賢以翊輔万政而不偏於一物一事之修
飾蓋至權歸於中而万政無不卒矣恭惟陛下体乾之剛以運
勤法維之明以思遠既得群賢以任之又幸綱要以濟之則其

三對治之德借美於古而虞舜無爲之功復見於今也苟簡之
習何慮不革哉若夫烝進人才而乏績用則臣略究其端矣夫
唐虞之盛九年而黜陟如周之隆三歲而大計蓋磨以歲月而
斷其能否然後進退之深慎名器而不妄與也今之自選部而
升京秩者爲考六十七爲舉主五六人而後得自京秩而至郎官
者凡四歲一遷焉其於名器不輕而重也信矣陛下至誠待物
急於得人拔擢俊良於微賤之中而置在高位者數矣此皆賢
能不次而用非若向之碌碌者限以歲月也然賢能不次而用
王政之一端耳人之能否可不察哉孟子曰左右皆曰賢未可
也諸大夫皆曰賢未可也國人皆曰賢然後察之見賢焉然後
用之蓋小人之性役於利祿而好於趨時希世之事揣知人主
之意而務求其合苟可以取寵於上則不暇量己之材能與否
也陛下急賢而用不次進之則其心何負於天下之士哉然天
下之士則有負陛下者此衆心之所惑也蓋嘗以邊幾進者而

將帥辨其構怨於外者也又嘗有可任御史者而言者謂其博
於孝也始而聽其言中而試其事終而驗其能否則天下之士
不敢負陛下而續用不乏矣聖策曰種羗非不懷德也而邊候
或時繹騷以至臨遣輔臣愷明威武者臣聞中國之於四夷若
天地之於萬物徧覆包函而使之自遂耳安用較其力之勇怯
責其心之去留哉或或悔慢不庭則征伐亦不得已而用也朝
廷之於西羗可謂厚矣加之王爵而襲其土賜之金繒而未嘗
闕然自近歲以來逆心日甚多遣介使以申難塞之請起犯邊
吏以求克捷之效此固宜倖擒以殄戮之矣是以陛下臨遣輔
臣而將伸九伐之令也然臣愚以爲中國之力有盈虛羗虜之
勢有強弱則必量而後動度而後行焉至道中天下之全盛也
兵之彊民之富將之豪傑足以威制四夷而無憚矣然猶五路
之入平銀成功此長驅深入得失之驗也康定間此於至道則
三者皆不及矣是以邊戍一動而遠近騷然以四海之力事一

方而猶爲汲汲饋運之勞累歲不息而朝廷深有厭兵之心卒
用間諜與之和解而生民始知休息之漸則兵不易動亦明矣
以今之兵今之將擬於康定則未必過之而民力又不久矣向
者陛下即攻之歲乘諒祚殘忍之極旱飢相仍部族怨貳是以
王師一舉而輒復緘城之地然人之戢沒者蓋已萬計財之耗
壞者凡幾百萬耶近者秦慶二路寇入輒勝臣竊恐其勢力非
復向時旱飢之餘矣金湯之固非粟不守而塞下之積多者止
再歲少者不數月也藩籬之戶倚以爲援而疆者遁逃而先幾
弱者不足恃也寬文法則豪縱之將可以致死而細過多從於
吏議也飽金帛則規候之士可以知微而薄惠不足以使入也
廣屯田則可以豐軍食而有司曠廢其事也恤士兵則可以助
戍而平居未嘗少寬也此皆我之未備矣以我之未備衆被之
未易量則莫若講求守禦之具而徐爲之謀也朝廷必有以制
之臣愚不能處也陛下謂威而必報邪則威亦有不服謂戰而

必勝邪則戰亦有未勝就使必報必勝則生民供饋亦已勞矣
若猶未也則兵連禍結何時而息乎關陝一擾則寇盜必乘而
起糧若之患未解則西宜備蜀北亦慮胡矣夫遠夷之不討與
元元之重困孰為輕重起一方之事而召三隅之憂孰為得夫
顧陛下權量其宜而行之昔漢宣帝欲擊匈奴而魏相以為不
可報怨遠夷是以享三世稱藩之功唐太宗欲征突厥而長孫
無忌願且戢兵是以終正觀太平之績臣故曰願陛下權量其
宜而行之也聖策曰蒸民非不愛養也而生業或未完富以至
外馳使者宣布惠教臣聞陛下愛民之心均於赤子矣而生業
或未完者其大弊有三焉一曰郡吏之不足役及上農而使之
破產竭財而斃於凍餒此天下之深不平也今人細民之家牛
羊未粗糲糧粟褐苟有數十金之直則舉而籍之於公以備役
之之費矣方其役之將至而知其必及於死也則其心如避重
誅其力如捍巨寇焚滅屋廬戕伐桑柘以求其不及甚者乃服

浮圖隸兵籍以一身自陷於非類而覬幸於斯世又其甚者子
嫁其母而昆弟得以離居父子謀為自經而求省其丁口此暴
役之弊也二曰天災間作糴事未登則有除賦之令以恤其流
亡而有司以指克為勞而務足功利霜雹旱蝗五種之入無分
毫矣而輸入之數十猶五六此重賦之敝也三曰負於公而情
不欺者赦宥有為之蠲釋以寬其貧窮而主者網羅疑似索求
缺幸其少戾於法而督之益嚴及其委弃僻壑而勢不可得則
猶能鞭笞其子孫縲械其鄰里而有望於下此積逋之弊也臣
願陛下慎擇忠厚之吏以為守宰而使之不妄舉立為寬通之
制以便衆庶而使之不重困則休養生息皆陛下之實惠矣雖
使者冠蓋不交於道而惠教安有不宣者乎捨是則雖朝遣一
使暮置一官又何益於治乎陛下不先務此徒刻薄更張之為
臣愚之所未諭也聖策曰國用雖節而尚煩於調度兵藉雖衆
而未精於簡稽者臣亦粗聞其說矣天下之財有常而國家有

餘不足之無常者蓋取財與用財之道異也善取則財雖多而常不足善用則財雖寡而常有餘今天下之所謂利凡四總二十八品之餘百物有禁蓋盡之矣而出無餘者未明節之之要也未慎用之之道也節其可已而備其不可已用其不費而可以足費則善矣國之大費六宗支之祿也萬官之養也冗兵之食也二虜之賜也郊祀之錫也河防之備也皆不可一日而節若乃賜與有橫濫服用有侈靡掖庭燕私廩給之盛百工技巧冗食之多此皆可節之矣臣願量時制宜一切減損以審貨財以備六費之大此之謂節其可已備其不可已若夫興利者功易見省事者効難知易見則取信於人難知則置疑於衆惟其易見難知而疑信之兩出此財之所以日匱也今天下之利有傳於解池者乎歲入百餘萬緡耳有百萬之利獻陛下者儼從而權之則其人之功豈不易見哉然緡城之兵一用而費六百萬是四歲解池之利去矣有以緡州之不足城告陛下者儼從

而存之則是能置四歲之解池矣然其言主於省事而不主於
興利則其功豈不難哉究其歸則興利之利不始省事之爲
利願陛下反求其端而慮焉是之謂用其不費而可以足費知
此二者而不競於錐刀之末則調度將不煩而民力寬矣臣又
聞國家患兵之冗而講求其術已久矣向者容其廢老今則黥
其壯子弟向者簡閑之不密今則毫毛不敢欺向者慢於訓習
今則朝夕從事以金鼓此三術者方今以爲練兵之要矣臣復
何言哉然臣之言者繼於三術之後而究其情狀耳夫四方兇
悍之徒群聚而安閑驕惰而不足用蓋有年矣今一旦遽責之
以去留立辨之以彊弱則其心豈免於怨乎孰謂怨不損於王
治而不恤也詩曰悅以使民民忘其死豈有驅人於死而先咄
之以怨乎施諸用兵尤非全勝之道也三路者用兵之地也今
未老者多黥而失其歸壯者則憂其將老而見黥臣願有以動
其徒類之心乘其生變不足禦寇而足以爲寇甚非朝廷之利

也昔唐之中世建銷兵之策歲限以壯死不復補而克融建倭
乘之遂爲大患與經綸之一出田悅之一言而萬衆大呼此往
事之可鑒者也嘉祐中亦嘗選天下之兵而有司以謂朝廷欲
省郊祀之費處之過甚遠近詢詢賴朝廷有以制之此近事之
在人耳目者也臣願陛下慎守三術以爲制兵之具並聽臣之
說以慮其未然則軍政立而天威暢矣臣策曰寬關梁之禁而
商賈通者臣謂關梁之禁歲羨長而不知止貨法屢變而下不
爲信比商之所以壅也審天下征商之法課有不足者一切損
之貨法之始有小利而終召大弊者慎勿輒變而用則天下之
商願出於塗矣聖策曰損器玩之巧而工弗戒者臣謂非獨法
禁之不密亦教化未之至也夫民之於上從其好不從其令高
歸大袖其說舊矣今陛下雖行純儉以風天下而百工之肆日
夜謀奇巧求利於時是必有以導之也且法之行自近始教之
至自上率願澄其源以潔其流則天下之工無不戒者也聖策

曰風俗浮薄根於取士之無本教導之不明臺閣之論所執不
一豈無救弊之道者臣謂非士著而不任鄉議取浮文而不根
經術較工拙而不考素行今日取士之大弊矣此者朝廷講求
羣議而思有以救之雖論有異同而所以爲蔽者不過此也夫
待人以薄者不可責其厚今養之取之之制大異於古則安怪
其廉恥衰息哉臣願量時而立法貴其可以適用則莫若大均
薦送之目而使衆寡適其平無幸與不幸則士著莫能遷矣限
以一藝之習而試之家法高就上第義參於文而取之則經術
孰敢廢矣復平懷之科詔監司郡守時加詢察秩滿而薦之一
二則素行可得而知矣本庠序之教而繼以三者則取士之道
庶幾無失又何必變常動衆而求爲紛紛歟聖策曰刑罰煩重
出於設法之多門訟襲之不辜特加仁恩之政使死者少緩必
有可行之術者臣謂治而有刑非養威務刻而不勝斯民蓋欲
使之畏罪而遷善也後世懲其本原而峻文密法以籠四海民

之手足殆將無所措此世主所以戮量揆叙而復益其間也陛下惠刑之密而重報者幾將少緩焉此堯舜好生之德也然臣愚猶有獻焉夫所謂緩之之術者得非以他罪抵死則斬其左趾欲得非欲復古之肉刑歟夫他罪抵死而斬其左趾則仁矣孰若出於權斷而貸其一死之快彼幸而不死又為完人則豈不天地陛下之賜哉安侯施諸刀鋸以為累次此景興之論愈於鍾繇也夫三代既衰而養民教民之具不可復見民之觸罪者蓋亦有不幸矣此肉刑難施於後世也養之薄而責之厚也教之疎而禁之密也昔漢之去周未遠一罷肉刑而答有至死者民猶不以為愍是知肉刑之重而答刑之輕也今答不至死去漢又千餘年一日復之民豈以為宜乎此衛展之論不及孔融也願陛下詳其折衷而已聖策曰欲興七教兼乎三至以底聖人之道者臣謂七教者生民之先務陛下聖為治本而濟以三至之用力行於上則聖人之道盡矣何愧於曾參之言乎若

乃欲冥明大親盡乎五法以極天下之治者臣謂六親者人倫之大原陛下奉為政體而盡以五法之具周施於下則天下之治畢矣何違於管氏之說乎聖策曰仲舒之言班固謂切於當世可施於今者何策臣謂仲舒之對本於春秋以陳王道故班氏美之就求其說而有曰任德而不任刑損文而用忠則亦可施於今也聖策曰佳寔之論范曄謂明於政體有益於時者何事臣謂佳寔之論極於理要不泥一隅故范曄稱之就求其說而有曰補統決壞支柱傾邪則亦有益於時也聖策曰無以古人之陳迹既久而不可舉無以本朝之成法已定而不可改者臣謂先王之政久必有弊不革而救之非所謂知變也然革之當否安可不慎乎易曰窮則變變則通此救弊之說也書曰各守爾典以承天休言法之不可易也使革而當邪則雖古人之迹有可舉而用矣使革不當邪則本朝之成法有不可改者矣謂古人之迹皆可舉則周之并地可行於漢夏之九州可復於

魏文謂本朝之法皆可改則成王不必憲文武之舊章孝景不
必遵文帝之業矣聖策曰言之非艱臣以是不敢侈言而夸說
凡天下之利病所謂可行與否者臣既略陳於前皆其迹之粗
者易曰神而明之存乎其人故臣於終也願陛下思所以神明
之孔子曰足食足兵民信之矣旣而曰去兵又曰去食而民之
信之也卒不可去是以古之聖人縱橫反覆無所往而不遂者
豈有他哉惟民信之而已是故湯爲匹夫報仇而民不以爲暴
文王以民力爲臺沼而民不以爲爲已及其不信則行仁義作
禮樂而民始疑矣今陛下行假貸之政孟子所謂耕歛也豈有
舉息之心哉立平準之法禹稷所謂貨遷也豈有牟利之心哉
復租庸之制周禮所謂大均也豈有困鰥寡之心哉救士於貧
賤之中漢高帝曹太宗之用人也豈有尚功利之心哉增宮廟
之費優致仕之祿此三代之養老也豈有遺耆耆之心哉損衛
定令臯陶之明刑也豈有廢法行意之心哉併軍蒐卒五伯之

制兵也豈有輕士重祿之心哉其措意立法則皆幾於堯舜可
謂盛矣陛下之心如此而天下之論乃如彼陛下見其紛紛而
以咎天下之議者臣愚以爲未安也蓋亦反而思之豈未有以
深信之歟先之以至廉則雖取之而不疑其貪況與之乎首之
以至仁則雖殺之而不疑其暴況生之乎二者皆陛下之先務
而未之深信則常平之議內刑之法宜乎元元無知而懼之也
詩曰左之左之君子宜之右之右之君子有之記曰至誠如神
夫君子之於物左右而無不宜者惟誠而已矣臣敢以此獻臣
昧死惶恐上對謹對

新刊國朝二百家名賢文粹卷第五十

策

館職策

擬試館職策三道

後

問傳曰秦失之強周失之弱昔周公治魯親親尊尊而後立有寔微之憂太公治齊舉賢而功而其末流亦有爭奪之禍夫親親而尊尊舉賢而上功三代之所共也而齊魯行之不先於義亂其故何哉國家承平百年六聖相授為治不同同歸于仁今朝廷欲師仁祖之忠厚而患百官有司不舉其職或至于媮欲法神考之勵精懇懇監司守令不識其意流入于刻夫使忠厚而不媮勵精而不刻亦必有道矣昔漢文寬大長者至於朝廷之間恥言人過而不聞其有怠廢不舉之病宣帝總核名實至於文理之士咸精其能而不聞其有督察過甚之失何修何營可以及此願深明其所以然

之故而條其所當行之事悉著于篇以備采擇

昔言古者不知變習於世故斥以經物成務而不在於法義此士之所患也考古之遺御今之宜故明者不兩失也夫明者自明也故明於物君子之事而孝者慈焉顧効其愚夫王者之政遠近異宜貴賤異制而其行之也一者政也先王所以同天下也昔文王之作周也典以經邦國則以馭都鄙法以任官府內建六卿以並其治外建四牧以齊其政掌交諭其好惡布憲達其刑禁止人衆其反側行人責其逆順協于朝覲而考于巡狩小則計士治焉大則司馬計焉方是之時器不異量書不異文行習有常風俗大同故曰夏尚忠商尚敬周尚文是之謂治至于上失其政而下擅命國殊治而家異俗故秦尚武晉尚儉而曹尚奢衛失之淫陳失之荒齊魯異變而魯得同歸故曰天下無道禮樂征伐自諸侯出是之謂亂乎親親尊貴維賢保庸治典之八柄而太宰之職也廢一不可而齊魯豈有行焉非所

聞也學者以謂齊魯於八柄各有隆焉非異道也是不然聖
者革命易姓變古振弊作為代之法則隆殺有焉所以新天
下也故虞氏貴德夏氏貴爵商氏貴富周氏貴親非諸侯之事
也夫齊之強自桓公始舉賢上功管氏之政也逮魯之興而齊
衰矣其事晉如小侯特屈強於魯齒之間耳而魯固無於知言
矣此無他地有小大人有衆寡非政得也隱桓之際共行中國
則常強矣國無其人能不衰乎春秋之際兩君不葬諸相之盛
其不奪者幸也田是論之齊未嘗不衰而魯未嘗不亂也世徒
見其田氏代齊三桓弱魯以為親尊之弊不亦陋乎蓋漢之諸
儒明不證理見周之衰而未聞其盛也豈為異說以自智或者
有所傳焉而不能明也遂以前知其然為三公之聖賢君子無
取焉夫事有其官官有其人上下相維刑賞並用可謂備矣然
而不舉者不考法於先王也是以其弊居之不知其任行之不
知其分勇者自用懦者自棄之則倦遠之則怨急之則詐繼

之則偷賞而不勸刑而不變古今之公惠也先王之治有政焉而非其本也其所本者化也政者治之具也為化以德為政以禮化以革之政以行之譬之田焉化猶天道也政猶人力也人力至矣而陰陽之和雷風之動雨露之潤不時則不生天道順矣而種植之宜耕鋤之功不動則不豐天人相與而成歲必有化有政而不舉者又有刑焉政以使君子而刑以御小人刑者先王有之而不敢先也非所以待士大夫也政化行而後刑可用也是故政以佐德刑以佐禮而本末具矣雖然治之始也道德既明風俗既成則刑設而不用矣治之終也夫不務德禮而用刑是以小人使之也而責其治可乎先王明足以官人而有禮以使之有度以則之隆之以恩諭之以義時考其績而誅賞焉可謂有其政矣而其所以治者蓋有以先之也正心以及身正身以及人先王之化也化以導其內政以齊其外道是以德則勇者安焉懦者興焉齊之以禮則智者不敢先愚者不敢後此

其所以寬而不苟察而不苛之道也古之人有之堯舜是也昔
在唐虞明德以協百姓考績以行黜陟戒之以休董之以威勸
之以九歌申之以四罪而庶績熙矣此無難惟君與相懋之而
已故書曰元首明哉股肱良哉庶事康哉漢之宣文稱號仁明
有紀於後世然未足以與此也夫有其志者有其事有其事者
有其功是以君子務大其志重其事而不有其功文帝有可致
之資而無欲治之意聞賈生之論則退避未遑聞釋之之說則
毋其高論其所志亦苟矣是以有仁心而非德也行其善而非
法也好申韓而非學也方內治安而非政也而一時之士又無
其人此漢之所以不振也賈生區區有慕古之心而大目以謂
紛亂諸事其大者既已曠廢矣盜吏出粟賦錢數以者方幾人
乘傳周行郡國其小者又不恪矣君子之學以成其志則志不
可不先定也醉酒者亂操刀者殺則有以使之也其學又不
可不慎也宣帝不好儒而喜申韓之書則其志可知矣故其治以

察爲明以刑爲義以律爲法以賞罰爲政而文俗之吏都公卿
之位言足飾大之詞文足成入之事故楊惲孟寬饒以語言成
罪而趙廣漢韓延壽以怨親致刑君臣如此可謂刻矣雖然方
文帝之時匈奴之強魏尚戰勝有功矣以移書一言之誤文吏
繩之以法則免官奪爵而罰伐矣吏豈篤於厚乎地節之間王
成以僞家褻賞而俗吏習爲虛名欺誣以避課至以不禁燕邪
爲寬大縱釋有罪爲不苛黃龍之詔張敞之議尚可考也吏豈
稱其職乎故曰未足以與此也夫以文帝之仁宣帝之智而其
治效如此蓋刑政之不足恃也世以文帝爲寬宣帝爲察而不
知兩君未常定其所向也文帝有仁人之心而學申韓則其所
學害其政也故其議刑未嘗不重聞釋之之論未嘗不輕者以
其資之仁也宣帝好察而起於民間知民之苦漢吏也而行之
以寬故其爲治以安民爲本棄嚴延年而用黃霸乎定國然有
時而刻深者以其資之察也是故德者治之本也可不務乎

試館職策一道

苕溪先生

對天下之事雖不同而其理則一。所爲異者患在不得其要。苟得其要而持之若舉。自而堤其網罟。褻而振其頽也。夫何故。原其所始。要其所終。歸而已矣。是故有難易之說者。其形也。無難易之說者。其理也。世之說曰。創業誠難。守文不易。而後之議者。又以中興爲尤難。且天下草昧。群雄競逐。攻破則降。戰勝則取。茲創業之誠難。富貴則驕。驕則淫。淫則怠。茲守文之不易。中興之事。則兼而有之。此所以爲尤難。故曰。有難易之說者。其形也。天之所以授人主者。豈以其人心之歸耶。人心所在。天命隨之。書曰。天視自我民視。天聽自我民聽。又曰。民之所欲。天必從之。然則理之所在。在不失人心而已矣。故曰。無難易之說者。其理也。嘗謂天之興廢。猶一身之安危。其所以扶衰而已病者。亦不異。顧鑒何如耳。明者見形色於未病之前。故爲之也。易昧者。究脈絡於已病之後。故爲之也。難夫醫國亦然。上有執政。下有

幸民本末并通首尾衡決凡可以馴致敗亂者皆病也自賈生
當文帝治安之時痛哭流涕以爲深憂其說以諸侯勢強爲病
腫夷狄侵侮爲病痲蓋未形而見之然生自謂鑒能治而上不
使者顧元氣未大損也形厥病而元氣存則文帝不用賈生而
生之說雖驗於後國終不亡如其不然生且望而去之矣又奚
以痛哭流涕爲哉故鑒國者必視其元氣存亡多少爲決所謂
國之元氣則民心是也夫謂之中興則國既病矣既絕而復蘇
矣然先世之德澤在於人心者豈遽亡耶故愚不敢以爲甚難
而不爲者有可因之勢故也自昔所謂中興之君多矣然未嘗
無可因之勢周之宣王也漢之光武也唐之肅代也晉之元帝
也此明問之所及也其一時將相在宣王時則有若仲山甫在
光武時則有若鄧禹元帝則有王尊肅代則有李郭君臣之間
所以扶持顛危恢復大業願其事不同而其勢則皆有所因何
也三代而下享國之尤長者莫如周周自后稷始封於邰再傳

至不啻而失其國公劉繼之政修其政去邵而國於豳又九傳
而至太王傳鬻鬻迫之夫豳而國於豳文武繼之遷有天下又九
傳而至厲王大戎迫之失其大業宣王繼之內修政事外攘戎
狄而周室中興焉三代如周無以加矣然失國者再失天下者
一或迫於饑饉或迫於大戎然而不亡者豈世世修德在人心
者固耶故山甫之所以輔其君者雖不多見於經凡宣王之所
以勞來安集其民繼修政事攘戎狄之實蓋山甫出將入相之
力也漢祀二百而中絕然高祖開基規模宏遠文景繼之以德
化民敦本節用輕徭薄斂所以結民心者厚矣當時未見其勃
也至強臣擅命國統已絕天下之心猶惓惓焉思漢不志則惠
澤之在人必為如何哉光武之初百姓見司隸官屬且雖然相
慶以為不意復見漢官威儀則是思漢之心既久而未忘也唐
自高祖起義兵既消群盜太宗繼之修教化明政刑以府衛養
兵以口分世業授地以租調任民百姓安業為日久矣正觀之

治比隆成周又開元二十餘年之間天下熙洽外戶不開行糧
不賁則惠澤之在民心固深安史之亂雖生於所忽而肅宗以
太子起靈武代宗以廣平王相繼靖難克復兩京再安社稷當
是之時功歸李郭不可訾也宰相如曲晉卿裴冕輩何能爲哉
然則宣王也光武也肅代也帝祖宗之出德而興者也若元帝
則不然愍懷之難晉祚既絕元帝以郎邪王渡江承孫氏累世
之舊賄雖淫虐失民而司馬氏之德澤亦未有以結江左之心
故愚以王導佐元帝之興爲尤難然所恃以興者何也中原之
毒方熾而人心易收也顧道華請用顧榮賀循等謂之以收人
心則亦不可謂無所因矣嗚呼羯胡亂華生民塗炭適之佐元
帝也宜若捕龍蛇格虎兇不得斯須暇也顧乃開設學校賓禮
賢才措事業於雍容談笑之間其後謝安爲相亦以雅量鎮之
議者譏其以清談廢務浮文妨要務不爲變此兩公者豈智識
有不及邪意營是時中原方亂人心雖曰易收亦或易危未容

以威猛勝服之也然江左立國既不能與周漢並隆又不若肅
代之能冠復舊物豈其世德之厚薄異耶故中興之功或繫之
將李光弼郭子儀是也或出入將相之間山甫鄧禹是也然議
者謂再造漢室禹爲元勳豈取賈吳祭之徒卒不敢與之齒耶
自馮愔之叛禹之威望亦少損矣然而功不減焉何也關中天
下根本且漢之舊人心之所依歸者也蕭何任關中之寄以基
帝業爲時宗臣則禹之功獨高者亦豈以關中之重爲能佐佐
中興耶然惟我宋之興爲民立極撥天下之亂而反之正人心
樂推神器自至卜宅梁宋之間非有太行孟門羊腸伊闕以爲
塞非有洞庭彭蠡潁川漢水以爲池立國百七十年無一日大
吠之警其所以恃以爲強且固者人心而已故祖宗以來所以惠
養元元甚厚而德澤滲漉在人膺肺腑雖千萬年不忘也承平
既久釁生邊隅胡虜犯順躡蹂京邑于茲六年矣聖主憂勤夙
夜圖回事功閔日既久未見赫然振起之象然有志之士願有

獻於上者亦以人心未忘有可因之勢而已今明問以四代任
人之方顯其將相救時之得失孰可以爲法於今且在當時有
遺恨而可爲後世鑒者頗使論之思固論其略矣抑復惟念天
下之事所以不克濟者患在於不爲而無患其甚難故聖人畏
無難而不畏多難以其因難而能圖也又况禍福倚伏之理爲
未易料昔者吳王夫差旣勝齊伍子胥曰天之所棄必驟近其
小喜而遠其大憂使吳不得志於齊而以覺悞王心吳國猶世
今天祿亟至是吳命之不长也未幾吳果滅於越吳人侵楚入
郢楚人大懼今丑子西獨喜曰乃今可爲矣夫戰勝人所喜也
而以爲大憂喪敗人所廢也而以爲可爲則是禍福倚伏之理
果不可料而不可不爲者也此其不爲而俟天命之自回人事
之自正敵國之自屈盜賊之自息庸有此理也哉愚願聖主與
二三大臣早夜以思凡可以收人心而服之者悉舉而行之於
以有二誡焉人主憂勤寅畏天命劓身修行罔敢暇逸然後能

服人心宣王之事是也大臣至公黜陟明允選用群才皆從入
望然後能服人心王道之事是也雖然用賢不可不盡去邪不
可不力何則賢者之於君也以禮進以義合所言而從則將繼
此以進其所未言所行而信則將繼此以勉其所當行苟有疑
焉則亦已耳以鄧禹之智路而遇光武之君受任之間猶有所
愧而況其他乎君子小人之不相容猶木炭之不可同器而處
也君子得位則斥小人小人得志則害君子此理之必然者也
嘗怪光弼之勳業若此而不肯離軍印君臣之間不能無疑代
宗雖厚撫其母終不一至朝廷豈以譏邪之人爲可畏耶光弼
尚然而況於餘人哉故曰用賢不可不盡去邪不可不力也然
則在當時有遺恨而可爲後世鑒者此歟嗚呼君子小人不可
不先辨也君子陽也小人陰也猶人之身少壯則多陽非無陰
也陰不能勝陽而反制於陽老耄則多陰非無陽也陽不能制
陰而反勝於陰方天下盛時國多君子及其久也聽用原省之

斯不至浸淫至於表小人者以類至而日勝以至於無君子則
亡矣故善養生者求所以輔陽而消陰善處國者求所以進
君子而退小人顧中興豈難哉惟上之人勉焉若以爲其難而
不爲則患不知也謹對

新刊 國朝 百家名賢文粹卷第五十